

農

候

雜

占

農候雜占卷四

福州梁章鉅撰

男恭辰校刊

穀蔬占

美田之法菘豆爲上胡麻次之 見齊民要術

麥花晝開主水 見農政全書 按北方麥開花在晝南

方麥開花在夜此言南土忽晝麥開花則主水也

銀花賤金花貴 戒菴漫筆言稻花白而瓣少者米賤多  
而色黃則米貴

麥過口不入口 靖康元年麥多高於人者旣而大雨損

其十八鷄肋編引諺云云

農政全書云麥宜肥地有雨佳故諺云無雨莫種麥又云  
麥怕胎裏旱又云要喫麩泥裏纏春雨更宜故又云麥  
收三月雨若三春有雨入夏時有微風此大有之年也  
黃帝始蒸穀爲飯 見周書

南海晉安有九熟稻一歲九登 見抱朴子

正月之朝穀始也日至百日黍稷之始也九月斂實牟麥  
之始也 見管子

番禺有菜四葉相對晝開夜合名合歡菜 見盧言雜記

甘藷薯蕷之類生朱崖海中人種食之壽百餘歲可以代穀 見稽含南方草木狀按清異錄云嶺外有玉枕藷又號三家藷又按吾鄉山邑貧民每以藷切作米代飯罕有以米炊飯者則代穀之說益信

有神曰紫相公主一方蔬菜之屬所隸有天使主豐有辣判官主儉 見清異錄

豆花憎見日見日則黃爛而根焦 齊民要術

種瞿麥法以伏爲時注一名地麩 同上

蠶宜白軟良地三轉乃佳 同上

種葱四月始鋤鋤遍乃剪剪與地平剪欲旦起避熱時良  
地三剪薄地再剪八月止剪韭如葱法一歲不過五剪  
同上

種韭法以升蓋合地爲處布子於圍內注韭性內生不向  
外畏圍種令科成 同上

種椒熟時收取黑子四月初畦種之注黑子一名椒目不  
用人手數近促則不生也 同上

薺以冬美芥以夏成 見春秋繁露

稻有蓋下白正月種五月穫穫其莖根復生九月復熟

見郭義恭廣志

胡麻俗呼芝麻性有八拘謂雨暘時薄收大旱方大熟開  
花向下結子向上炒焦壓榨才得生油膏車則滑鑽針  
乃澀也 見莊綽雞肋編

凡田燒去野草犁過種芝麻一年使草根腐化再種五穀  
諺云荒地種芝麻一年不出草葢芝麻葉上瀉下雨露  
最苦草木沾之必萎凡花果之旁最忌芝麻 見陶朱

公書

薑以通州出者佳宜沙地清明後三日取母薑種之培以

農候雜占四

卷四

三

蠶沙壟以灰糞立夏後芽出棚遮烈日秋社採之遲則  
漸老成絲小雪前後將種曬乾藏窖內免致凍損諺云  
養羊種姜子利相當 同上

草占

黃帝問師曠曰吾欲知歲苦樂善惡可知否對曰歲欲豐  
甘草先生甘草齋也歲欲苦苦草先生苦草葶藶也歲  
欲惡惡草先生惡草水藻也歲欲旱旱草先生旱草蒺  
藜也歲欲疫病草先生病草艾也 見師曠占 按農  
政全書云草得氣之先者皆有所驗齋菜先生歲欲甘  
葶藶先生歲欲苦藕先生歲欲雨蒺藜先生歲欲旱蓬  
先生歲欲惡艾先生歲欲疫孟月占之此與師曠占所  
云大同小異



冬至後五旬七日菑始生百草之先生者也乃始耕 見

呂氏春秋

茆蕩內春初雨過菌生俗呼爲雷蕈多則主旱小則主水  
見農政全書

草屋久雨菌生其上朝出晴暮出雨諺云朝出曬殺暮出  
濯殺 同上

看窠草一名干戈草謂其有刺故也蘆茅之屬叢生於地  
夏月暴熱之時忽自枯死主有水 同上

菱草水草也村人嘗剝其小白嘗之以卜水旱甘甜主水

餽氣主旱 同上

取乾艾藏之瓦器麥一石以艾一把間之順時種之則收  
常倍 見齊民要術

南海有草叢生如籐蔓土人視其節以占一歲之風每一  
節則一風無節則無風名曰知風草 見郭義恭廣志  
頭芋生子沒殺二芋二芋生子早殺三芋 見農政全書  
不育五穀沙中生草名登相收之可食 見宋史高昌國

傳

藏麥先宜烈日中曬極乾即將稻草灰鋪缸底帶熱收藏

復以草灰蓋之用蒼耳剉碎或和蠶沙入其中可免化蛾 見陶朱公書

早稻清明前晚稻穀雨後將稻種揀去粒長色紅者河水浸之瓦器盛之晝浸夜收芽長二三分候晴明天氣抖鬆撒種蓋以稻草灰 同上

花木占

樹無梅手無杯 見羣芳譜果譜言梅實少稊亦少

梧桐花初生時赤色主旱白色主水 見農政全書

扁豆鳳仙五月開花主水 同上並見花史

杞夏月開結主水 同上

藕花謂之水花魁開在夏至前主水 同上

野薔薇開在立夏前主水 同上

松柏之地其土不肥 見國語

襄陽山竹結實其米可食 見舊唐書

槐花開一徧糯米價長一徧 同上

夏至前後梓花落時多雨杭俗爲梓花雨翟晴江詩梓花  
香散雨淒淒是也 見東苑雜存

凡竹笋透林者多有水 見農政全書

插柳莫教春知 羣芳譜謂正二月皆可栽諺云云謂宜  
插在立春之前

黃梅雨未過冬青花未破冬青花已開黃梅水不來 田  
家五行云冬青花可占水旱引諺云云月令廣義云梅  
雨中冬青花開主旱蓋此花不落溼地故關係水旱也

冬青花不落溼沙 四民月令農家諺

夏至日取菊爲灰以止小麥蠹 見荆楚歲時記

春分分芍藥到老不開花 羣芳譜言芍藥大約三年或

二年一分分花自八月至十二月其津脈在根可移栽

春月不宜以津脈發散在外也故諺云云

木再花夏有雹李再花秋大霜 見明楊慎古今諺 按

木不知何指惟酉陽雜俎曰杏再花云云

杏花生種百穀 見四民月令並梁武帝策文

杏子開花可耕白沙商陸子熟杜鵑不哭 見歲時雜占

又按四民月令曰二月杏花盛可畱白沙輕土之田

杏多實不蟲本年秋熟 見師曠占

杏熟當年麥棗熟當年禾 後山叢談引諺云云

棗樹三年不算死 羣芳譜果譜棗性硬其生晚芽未出

移恐難出如本年芽未出弗遽刪除亦有久而后生者

故諺云云

諸榆性皆扇地故其下五穀不生 見本草

榆莢脫桑椹落 見楊慎古今諺

鞠榮而樹麥時之急也 見大戴禮

鋤花要趁黃梅信鋤頭落地長三寸 羣芳譜棉譜鋤棉者鋤必七遍以上又當在夏至前諺云云者大抵苗宜稀鋤宜密此要訣也

桃榔樹似栢欄而堅研其木取麩多者至百斛以牛酪食之不饑 見中南志

熙甯十年六月己未饒州長山雨木子數畝狀如山芋子味香而辛土人以爲桂子亦曰菩提子是歲大稔 見宋五行志

溫陵城留從守重加板築植桐環繞枝葉蔚茂初夏花開



農俗雜占四  
極鮮紅如葉先萌芽而花遲發則是秋五穀豐熟 見

泉州郡志

孫炎云楓有寄生枝生毛名楓子天旱以泥泥之卽雨

永嘉大羅山有龍芽竹節稀長四五尺取之必有風雨雷

電 見彙苑詳註

三月桃花水下 師古注桃方花時卽有雨水川谷冰泮

波瀾盛漲故謂之桃花水蓋三月桃花盛農人每候時

而種云 見崔實月令

吳中無盡菴有樹春槁夏生梅雨過而舒葉旣開則水定

以下水候最準有人辨之知爲望水檀 按二如亭木  
譜江南有一木至夏不發葉忽而葉生必有大水農人  
候之以占水旱卽此 見簪雲樓雜說

齊民要術云五木者五穀之先欲知五穀但視五木擇其  
木盛者來年多種之萬不失一也

飛禽占

獨春鳥聲有似春鳴聲多者五穀傷鳴聲少者五穀熟

見臨海異物志

鴉浴風鵲浴雨八哥兒洗浴斷風雨 農政全書引諺云

云又云鵲巢低主水高主旱俗傳鵲意既預知水則云終不使沒殺故意愈低既預知旱則云終不使曬殺故意愈高 又朝野僉載云鵲巢近地其年大水

烏肚雨白肚風 同上云海燕忽成羣而來主風雨引諺云云

釋義泰施三山觀水出焉西流注於流沙是多文鱗鱖魚  
身而鳥翼常遊行東海以夜飛見則天下大穰 見山

海經

朝鸞叫晴暮鸞叫雨 本草綱目云山鵲處處有之狀如  
鵲而烏色有文采赤嘴赤足尾長不能遠飛說文以此  
謂知來事之鳥

鳴鳩一名鵲鳩卽今布穀也農事方起此鳥飛鳴桑間若  
云五穀可布種故云布穀 見爾雅注又杜甫詩布穀  
催春種

鵲鳩陰則屏逐其匹晴則呼之語云天將雨鳩逐婦是也  
見稗雅 按本草釋名布穀之名甚多皆因其聲之近  
似而呼之如俗呼阿公阿婆割麥插禾脫卻布袴之類  
又陳造布穀吟序人以布穀爲催耕其聲曰脫了襪袴  
淮農傳其言云郭嫂打婆浙人解云一百八箇皆以意  
測之

風翔則風雨舞則雨 師曠禽經注云風禽鳶類越人謂  
之風伯飛翔則天大風一足鳥一名商羊一名雨伯天  
將雨則飛鳴 按天將大雨商羊鼓儻說苑鼓儻作起

舞

鳩鳴有還聲者謂之呼婦主晴無還聲者謂之逐婦主雨

同上

赤好鴉含水叫早主雨多人辛苦叫晏主晴多人安閒農

作次第 同上

夜間聽九逍遙鳥叫可卜風雨諺云一聲風二聲雨三聲

四聲斷風雨 同上

本草鶴仰天鳴號必有雨酉陽雜俎鶴羣飛旋繞必有風  
雨埤雅天將雨鶴長鳴而喜蓋知雨者也又按禽經鶴

俯鳴則陰仰鳴則晴又云人探巢取鷦子六十里旱以其能飛激雲雲散雨歇兩說微異

鵲羣飛翅聲重必有雨雪 同上

鬼車鳥北人呼爲九頭蟲夜聽其聲可卜晴雨自北而南謂之出窠主雨自南而北謂之歸窠主晴 同上

朝鷓晴暮鷓雨 同上

夏秋間雨陣將至忽有白鷺飛過雨竟不至名曰截雨 同上

燕能興波祈雨故有游波之號 見本草釋名 按東坡

物類相感志雷敷云河竭江枯投游波而立泛蓋言河  
水旱乾投燕於其中立漲也

母雞背負雞雛謂之雞駝兒主雨 見禽經

夏前喫井叫有車個恰喫無車個嘯 同上云喫井水禽  
也在夏至前叫主旱引諺云云

關內呼黃鶯爲水鴉兒旱乾時氣如焚柴忽樹頭睨睨數  
聲則滂沱立至 見說苑

鵝鷓一名淘河鵝鷓之屬其狀異常每來必主大水 同  
上云近至正庚寅五月十八日方梅水漲忽見此怪數



十自西而來眾謂沒田之兆一老農云不妨夏至前來  
曰犁湖至後曰犁塗以其嘴之形狀似犁湖言水深塗  
言水淺今至後八日此後雨腳斷水退矣後果天晴高  
下皆得成熟田家五行同此云至前至後便分禍福兩  
端可謂奇驗占候者慎之又本草綱目卷四十七禽部  
鵜鵠原註按山海經云沙水多犁鵠其名自呼後人轉  
爲鵜鵠耳吳諺云至前來曰犁鵠主水至後來曰犁塗  
主旱其占同

鵲巢知風之所在歲多風則巢於下枝 見淮南子又云

鵲巢口背何方則何方風大頗驗

乾祐五年鸚鵡食蝗乃禁捕鸚鵡 見五代史

黃鷓口噤蕎麥斗金 後山叢談引諺言夏中候黃鷓不  
鳴則蕎麥可廣種

農人置雉尾於田中天將晴則尾直堅將雨則尾下垂  
見中和集

上虞有鴈爲民治田春則銜拔草根秋則啄去其穢是以  
縣官禁民不得害此鳥犯則有刑無赦 見十三洲記

黃鳥黃鷓也或謂之黃粟留自關而東謂之倉庚又謂商

庚白關而西謂之鷓黃或謂楚雀齊人謂之搏黍當椹  
熟時常鳴桑樹間蓋應節趨時之鳥性嗜雙飛故里語  
云黃栗留看我麥黃椹熟否

春扈趣耕夏扈耘 見左傳 按崔實政論夏扈趣耘鋤  
卽竊脂鳥亦名播穀

高興縣多容鳥其形似雞而具五彩見則年豐 見南越  
志

長安城西雙員闕上有一雙銅雀一鳴五穀生再鳴五穀  
熟 見魏文帝歌一云銅雀鳥名鳴則五穀熟

輅過清河倪太守時大旱輅言樹上已有少女微風樹間  
又有陰鳥和鳴雨應至矣果如所言 見魏志管輅傳  
焚鷄羽於空中能致風 見淮南畢萬術

炎帝時有丹雀銜九穗禾帝拾其墜地者植於田食者老  
而不死 見王嘉拾遺記

走獸占

欽山有獸狀如豕而有牙名曰當康其名自叫見則天下  
大穰 見山海經

元日牛俱卧則苗難立卧半起則歲中平俱立則五穀熟  
見田家五行

田畔園塍上有野鼠爬沙主大水至必到所爬處方止  
見農政全書

鼠咬麥苗主不見收咬稻苗亦然 同上又云倒在根下  
主鰲下米貴銜在洞口主囤頭米貴

狗爬地主陰雨或眠灰堆高處亦主雨又狗咬青草吃則  
主晴又狗向吃水主水退 同上

鐵鼠其臭可惡白日銜尾成行而出主雨 同上

貓兒吃青草主雨 同上

絲毛狗褪毛不盡主梅水未止 同上

豬來貧狗來富貓來開質庫 田家五行志凡六畜自來

以占吉凶引諺云云

犬生獨家富足 同上言犬生一子其家興旺引諺云云  
麩十百爲羣掘食草根其處成泥名曰麩畷傍此種稻不

耕而獲其利百倍 見後漢郡國志

南中久旱卽以長繩繫虎頭骨投有龍處入水卽數人牽  
制不定俄頃雲起潭中雨亦隨降龍虎敵也雖枯骨猶  
能激動 見韋絢賓客嘉話 按李綽尙書故實云徐  
州石潭與泗水通投虎頭潭中可致雷雨

象能耕 舜葬蒼梧下有羣象耕田禹葬會稽祠下亦有  
羣象耕田 均見帝王世紀

鹿能耕 高啟詩老鹿耕田馴似牛

江豚見雖極晴亦風 杜詩江豚吹浪夜還風

有客詣董仲舒談論微奧仲舒疑之客又云天欲雨仲舒  
戲之曰巢居知風穴居知雨卿非狐狸卽是老鼠客化  
爲老狸而去 見劉義慶幽明錄



魚占

魚兒秤水面水來沒高听 見玉芝堂談薈歲時雜占  
凡魚躍離水面謂之秤水主水漲高多少則離水多少

見農政全書

凡鯉鯽等魚在四五月間暴漲時必散子散不盡水未止  
盛散則水勢必定 同上

車溝內魚來攻水逆上得鮎主晴得鯉主水諺云鮎乾鯉  
溼又云鯽魚主水鱸魚主晴 同上

黑鯉魚脊翼長接其尾主旱 同上

開元初石鯨吼歲大熟 見朝野僉載

夏初食鯽魚脊骨有曲主水 見田家雜占

漁者網得死鱖謂之水惡其魚著網卽死也口開主水立

至易過閉則來遲水旱無定 同上

蝦籠中張得鱒魚主水 同上

夏至前田內曬死小魚主水口開卽至易過閉則反是

同上

獺窟近水主旱登岸主水有驗 見農政全書

海鷁風伯使白袋雨師奴 異魚圖贊補引雨航雜錄海

鵝魚亦文鵝類也形如鵝有肉翅能飛石頭齒如石板  
出主風又白袋魚似牛而白自海入江則兆水患

廬陵異物志開寶四年黔南上言江心有石魚見 按古  
記云廣德元年二月大水退石魚見部民相傳以爲豐  
年之兆

關中有金魚神相傳周平王時十旬不雨遣祭天神金魚  
躍出而雨降 見述異記

粵西桂林府安龍蟠山潭中有龍盤魚四足有角丹腹修  
尾狀似守宮能致風雨 見酉陽雜俎

新瀧等州山田揀荒平處開爲畦伺春雨邱中滿貯水買魚子散於田內一二年後魚長大食草根並盡旣爲熟田又收魚利及種稻且無稗草 見嶺表錄異

淮南子云天之雨也陰曠未集而魚已噉矣注魚潛居知雨

龍占

鱗蟲三百六十龍爲之長能幽能明能小能大能短能長  
春分而登天秋分而入淵 見說文

龍能變水 東園叢說天將雨必先蒸溼雲氣騰結而後  
降雨又龍見而雨必旋至以雨主於龍乎則何待于蒸  
鬱而後作雨也又有薄雲而能作雨者且龍所取江河  
之水曾幾何而竟爲泛溢懷襄之患何哉蓋雲之爲氣  
水實存焉水無以自見可以爲霖霖而不可致霧霏龍  
乃以一勺之水變之則雲俱水也雲從龍假龍之力以

致之也

立夏分龍之說到處有之蓋龍于是時始分界行雨各有區域故有咫尺之間晴雨頓殊者龍爲之也 見謝肇

淵五雜俎

五月二十六日雨爲分龍雨惟閩俗以夏至後雨爲分龍雨 見月令廣義

田家五行志云凡見黑龍主無雨縱有亦不多白龍下雨必到諺云黑龍護世界白龍壞世界又龍陣雨始自何一路只多行此路無處絕無諺云龍行熟路又龍下頻

主旱又諺云龍多乃旱

交州水淵有神龍每旱州人以蒟草置淵上流魚則多死  
龍怒卽時大雨 見水經注

四月二十日小分龍晴分懶龍主旱雨分健龍主雨 見  
田家五行志

五月十三日爲龍生日當有風雨 同上

五月二十分龍次日有雨則歲豐無雨則旱 同上云五  
月二十爲大分龍日引兩浙諺云云

二十分龍廿一雨破車閣在弄堂裏二十分龍廿一蠶扳

到黃秧便種豆 農政全書引諺云云 又杭州諺云  
二十分龍二十雨四十九日曬龍衣二十分龍廿一雨  
車兒閣在衙堂裏

鎖龍門 分龍日無雨而有雷謂之鎖龍門 見田家五  
行志

六月六下雨龍袍反曬四十天 此揚州諺

六月初八西北風驚動海中龍 見陶朱公書

立夏清風至而龍昇天 見易通卦驗

龍舉而景雲屬 見淮南子上句虎嘯而谷風至



有僧講經山寺一叟來聽問其姓氏曰山下老龍也幸歲旱得閒聽法僧曰能救旱乎曰天帝封閉江湖禁妄用僧曰此硯水可乎龍乃就硯吸水去俄雷雨大作水色多黑 見幕齋燕談

僧涉者西域人能以秘咒下神龍每旱羣使咒龍請雨久之龍下鉢中天乃大雨 見晉書

介占

夏至日蠓上岸夏至後水到岸 見農政全書

苑將風則踊鼉欲雨則鳴故里俗以鼉識雨 見埤雅

月望則蚌蛤實羣陰盈月晦則蚌蛤虛羣陰虧 按吳都

賦蚌蛤珠胎與月虧全又唐書李敬貞取明水於秋中

用蚌蛤一尺二寸者依法試之自人定至夜半得水四

五升

鰲探頭可占晴雨諺云南望晴北望雨 見農政全書

朱鰲浮於波上必有大雨 見淮南子又云黑蜃神虬潛

泉而居將雨則躍

羅浮山有龜淵淵有神龜龜鼻貫銅環若有人穢此淵便  
卽澍雨 見羅浮山記

蝦荒蠨亂 合璧事類別集亂作兵 按吳俗有此語謂  
其披堅執銳歲或暴至有兵象也又按平江紀事大德  
丁未吳中蠨厄如蝗平田皆滿稻穀食盡故吳諺云云

雜蟲占

上晝叫上鄉熟下晝叫下鄉熟終日叫上下齊熟 月令通考上巳日聽蛙聲占水旱上下鄉卽高低田也引諺如此 按南越筆記首句有田雞二字叫字均作鳴田雞叫得啞低田好稻把田雞叫得響田內好蕩漿 玉芝堂談薈引歲時雜占卽唐人詩所謂田家無五行水旱卜蛙聲是也

蟻封戶穴大雨將集 見焦氏易林

天將雨螻蟻徙 見論衡 按民間占雨有蟻搬家之謠

則其來亦古矣

齊桓公伐孤竹山中無水隰朋曰蟻冬居歲陽夏居歲陰

蟻壤土寸而有水乃掘之遂得水 見韓子

蜻蜓高穀子焦蜻蜓低一壩泥 玉芝堂談薈引諺

水蛇蟠在蘆青高處主水高若干漲若干回頭望下水卽

至望上稍緩至 見農政全書

越裳國出百樂蛇每至春日融和則出鳴草中作絲竹金

石之聲人聞其聲大喜謂年必豐蓋瑞蛇也 見蛇譜

水蛇及白鱧入蝦籠中皆主大風水 同上

富貴蛇色黃而青穴人家倉囤下米粟必多倍於所入其  
家大發 見同上

春暮暴暖屋木中出飛蟻主風雨平地中蟻陣作亦然

見農政全書亦見田家五行

秦華山有蛇名肥遺六足四翼見則天下大旱 見山海

經

田角小螺兒名曰鬼螭浮於水面主有風雨 見農政全  
書

杜恰叫三通不用問家公 同上言石蛤蝦蟆之屬叫得

響亮成通主晴引諺云云

蚱蟻蜻蜒黃蚩等蟲在小滿以前生者主水 同上

冤苦冤苦我是蠍虎似恁昏昏怎得甘雨 墨客揮犀卷

三熙甯中京師久旱古法令坊巷各以大瓮貯水插柳枝泛蜥蜴使青衣小兒環繞呼曰蜥蜴蜥蜴興雲吐霧降雨滂沱放汝歸去開封府准堂劄責坊巷寺觀祈雨甚急而不能多得蜥蜴每代以蠍虎蠍虎入水卽死故京師小兒語云云 按七脩類稿亦云禱雨用蜥蜴廣捕無獲多以壁虎代之民諺云壁虎壁虎你好喫苦想

壁虎卽蠍虎耳

黃梅時內蝦蟆尿曲主雨大曲大雨小曲小雨 見農政

全書

蚯蚓俗名曲蟾朝出晴暮出雨 同上

地龍鳴來日晴 此閩諺地龍蚓也

久雨之後忽蚯蚓長鳴主晴諺云蚯蚓唱歌有雨不多

同上

蜻蛉鳴衣裳成蟋蟀鳴嬾婦驚 見四民月令 按古音

錄引通卦驗注蛤作蜓又古今諺蛤作蚓又文錄引詩



疏蟋蟀作絡緯又按毛詩草木蟲魚疏僅載趣織鳴懶  
婦驚二句然不及此條完備故兼錄之

六月無蠅新舊相登 見羣芳譜言米價平也

螢入榻主水發 通行諺

蜘蛛蟬叫稻生芒 見吳下田家志方言

天牛黑甲蟲也長安夏中此蟲出於籬壁間天必雨 見

酉陽雜俎

郭璞曰蠓飛磴則天風春則天雨言蠓蠓旋飛如磴則風  
至一上一下如春則雨至矣

蝥知雨至世謂之猥狗如天雨則豫於草木橋下乾處藏其身矣 見淮南子

石尤江中蟲名出必惡風舟人目打頭風曰石尤風嶺南人曰颶風黃河人曰孟婆也 見楊慎外集

貞觀中終南縣蝗損禾太宗至苑中取蝗數枚而咒之曰百姓有過在余一人爾其有靈但當毒我無害生靈將吞之侍臣恐致疾遽諫止太宗曰所冀移災朕躬何疾之避遂吞之是歲蝗不爲災 見唐書

蝦蟆羣聚從天請雨 見焦氏易林

蝸池鳴呵生我水潦雲雨大會流成河海 同上

田家宜忌

田祖卽神農氏甲寅日死

田主乙巳日死

田父丁亥日死

田母丙戌日死

田夫丁亥日死

后稷癸日死

以上各日並忌開田播種

種麥吉日 庚午 辛卯 辛巳 庚戌 庚子 辛丑

種菜吉日 庚寅 辛卯 壬戌 戊寅

種瓜吉日 甲子 己丑 庚子 壬寅 乙卯 辛巳

種麻豆吉日 甲子 乙丑 壬申 丙子 戊寅 壬

午 壬寅

禪師惠言嘗言上元一夕晴麻小熟兩夕晴麻中熟三夕晴麻大熟若陰雨麻不登占亦如此云絕有驗

買牛吉日 丙寅 丁卯 庚午 甲申 丁酉 戊戌

庚戌 戊午 又正月寅戌戌日 六月申卯未日

穿牛吉日 己丑 戊辰 辛未 甲戌 乙亥 乙酉

辛巳 戊子 乙巳 乙卯 戊午 己未

教牛吉日 庚午 壬午 甲午 辛亥 壬子 甲寅

發牛吉日 驚蟄後五子曰 甲丙戊三寅日 丁癸二

卯日 己辛二未日 乙丁己癸四酉日 乙癸二亥

日

立春日占

舊名東方朔探春訣

甲子曰立春高鄉熟 丙子曰立

春同上 戊子曰立春同上 庚子曰立春低鄉熟高

鄉不熟 壬子曰立春高低並熟 乙丑曰立春低鄉

熟 丁丑曰立春低鄉熟高鄉豆好 己丑曰立春低

鄉熟 辛丑日立春高低並熟 癸丑日立春同上

丙寅日立春同上 戊寅日立春低田熟 庚寅日立

春高低並熟 壬寅日立春同上 甲寅日立春低鄉

熟 丁卯日立春高低並熟 己卯日立春低鄉大熟

高鄉不熟 辛卯日立春高鄉熟 癸卯日立春同上

乙卯日立春低鄉熟 戊辰日立春高低並熟 庚

辰日立春高低大熟 壬辰日立春高低好施工 甲

辰日立春高低並熟 丙辰日立春低鄉熟 己巳日

立春低鄉熟高處旱 辛巳日立春高鄉熟 癸巳日

立春同上 乙巳日立春同上 丁巳日立春低鄉熟

庚午日立春高鄉熟 壬午日立春高低並熟 甲

午日立春同上 丙午日立春低鄉大熟 戊午日立

春低鄉熟 辛未日立春高鄉小熟 癸未日立春高

低並熟 乙未日立春低鄉熟 丁未日立春高低大

熟 己未日立春高低並熟 壬申日立春高鄉大熟

甲申日立春高鄉熟 丙申日立春低鄉熟 戊申

日立春高低並熟 庚申日立春低鄉熟 癸酉日立

春高低并熟 乙酉日立春低鄉熟 丁酉日立春高



低並熟 己酉日立春高低大熟 辛酉日立春低鄉  
熟 壬戌日立春同上 戊戌日立春高低大熟 庚  
戌日立春高鄉熟 甲戌日立春同上 乙亥日立春  
同上 丁亥日立春同上 己亥日立春同上 辛亥  
日立春同上 癸亥日立春高低並熟

以上並見田家五行節錄如右

橫十五豎十六一畝田穩穩足 碧里雜存畝法古今不  
同漢書鹽鐵議曰古以百步爲畝漢高帝以二百四十  
步爲畝今俗語云云蓋以十五乘十六正是二百四十

若古之百步以今弓準之則一畝當今四分強耳

稻初發時用攔鋤于稌行中搜鬆其根則旺攔所橫根則根生向下五六日後耘去稗草再五六日又耘一次諺云一粥一飯俄不殺一耘一攔荒不殺 見陶朱公書

燒田吉日

己未

燒田凶日

火隔

此日亦忌燒山炭

壅田吉日

用火爲吉如丙寅丁卯甲戌乙亥之類

壅田忌土鬼有九日

癸巳 甲午 乙酉 辛丑 壬寅 己酉 庚戌 丁巳 戊午

浸穀種吉日

甲戌 乙亥 壬午 乙酉 壬辰 乙卯

下秧吉日

辛未 癸酉 壬午 癸未 甲午 甲辰 乙巳 丙午 丁未 戊申 己酉 乙卯 辛酉 己亥 乙未

種五穀總忌

丁亥

種麥吉日

庚午 辛未 辛巳 庚戌 庚子 辛卯

八月三卯日種麥爲上

種麥忌日

十二月丁日

種粟吉日

丁巳 己卯 乙卯 己未 辛卯

三月三卯日種粟爲上

種豆吉日

甲子 乙丑 壬申 丙子 戊寅 壬午 壬寅

六月三卯日種豆爲上又六月戌日爲忌

種黍吉日

戊戌 己亥 庚子 庚申 壬申

種蕎麥吉日

甲子 壬申 辛巳 壬午 癸未

種麻吉日

己亥 戊申 壬申 甲申 辛亥 庚申

正月三卯日種麻爲上

礮變忌日

年月執破二辰

礮變坐向忌方

年月執破二方

穀米入倉吉日

庚午 甲戌 乙亥 丙子 己卯 辛巳 壬子 癸

未 己酉 戊子 己丑 庚寅 乙未 壬寅 癸卯

甲辰 乙酉 丙辰 癸亥

典田買田佃田吉日

開滿成收及黃道日

典田買田佃田凶日

戊己及赤口日 見同上

蠶桑宜忌

蠶爲龍精 見秦觀蠶書

元日值己多風雨蠶傷 見月令廣義

正月九日主蠶此日晴暖則滋生杭民亦多候之

立春天無風民安蠶麥十倍 見臞仙神隱

正月半作白粥泛膏于上以祭神令蠶桑百倍 見荆楚

歲時記 按以酒脯及豆粥插箸而祭之其夕迎紫姑

以下將來蠶桑義同

正月有三子則葉少蠶多無三子則葉多蠶少 見談薈



引周益公日記

正月上甲風從東方來宜蠶 見史天官書

二月內虹見在西主蠶貴上句云在東主米貴 見陶朱

公書

三月三日晴桑上掛銀瓶三月三日雨桑葉生苔痕 談

蒼作三月三日雨桑葉無人取又月令廣義云三日陰

雨主年豐晴主旱而桑貴陰不見日主蠶大吉引諺云

云 按種樹書云常以三月三日雨卜桑葉之貴賤諺

云雨打石頭偏桑葉三錢片或曰四日尤甚故杭人云

三日猶可四日殺我又按歲時雜占引諺云雨打石頭  
班桑葉錢價難雨在石上流桑葉好喂牛卽三月三日  
占也又按三月三日天陰是日不雨蠶大熟 又見五  
行志

清明喜晴惡雨是日午前晴宜早蠶午後晴宜晚蠶 見  
農政全書 按立夏夜雨損蠶

古詩云枯桑知天風下句云海水知天寒

臘月栽桑桑不知 便民纂要十二月掘坑深濶各二尺  
桑根埋下與地平次日築實其桑倍榮故諺云云

仙人難斷葉價 湖之畜蠶者多自栽桑不則豫租別姓之桑俗曰秒桑凡蠶一斤用葉百六十斤秒者先期約用銀四錢既收而償者約用五錢再加雜費五分蠶佳者用二十日辛苦收絲可收銀一兩餘爲棉爲線矢可冀田皆資民家切用此農桑爲國之根本民之命脈也湖郡在在有之德清尤多本地葉不足又販于桐鄉洞庭價隨時高下倏忽懸絕故諺云云惟自栽與秒最爲穩當不則謂之看空頭蠶有天幸者往往趣之 見湧幢小品 按羣芳譜葉價作桑價

舍北種榆九株蠶大得 見雜五行書

五月取桑椹濯以水取子陰乾每肥田一畝荒久者善耕  
之以黍及椹子各三升三合和種之黍桑俱出鋤令疏  
密調適黍熟獲之桑生正與黍平以利鎌刈之曝燥並  
火燒之桑至春生一畝食三箔蠶 見汜勝之書

蜀人以二月望驚蠶器于市因作樂縱觀謂之蠶市 見  
統略 按成都記三月三日遠近祈福于龍橋命曰蠶  
市

扶桑葉似桐初生如筍人競食之實如梨而赤績其皮爲

布爲棉亦爲紙 見談苑

浴蠶吉日 甲子 丁卯 庚午 壬午 戊午

出蠶吉日 甲子 庚午 蠶父生日 癸酉 壬午 乙酉

甲午 乙未 癸卯 乙巳 丙午 丁未 戊申

甲寅 戊午

繰蠶吉日 子 寅 午 申 酉 亥及成收開日

庚戌爲蠶姑死日應避之

陶朱公書云浙之嘉湖南潯等處徧地植桑吳郡亦然二月撒子苗長尺許糞壅冬月燒去其梢以草蓋之春發

止畱旺者一枝餘皆芟去明年鋤熟地寬行栽之行不可正對壓法春初以長枝攀下燥土壓之則根易生臘月斫斷移栽修法正月開削去枯枝及低小亂枝掘開根旁壅以糞泥接法仲春擇桑木大如臂者約去地二三尺以刀剔去樹皮取桑枝大如筋長一尺者削如馬耳插入皮中卽以桑皮纏定糞土包縛令不洩氣卽活有蟲名桑牛急尋其穴桐油抹之卽死占桑葉貴賤只看正月上旬木在一日則爲蠶食一葉爲甚貴木在九日則爲蠶食九葉爲甚賤凡遇午日忌鋤桑園

先資政公箸書最富行世者已不下六十種其待刻者尙

多

恭

筮仕浙省需次多暇蒐羅遺稿纂輯成編思欲畢

先人之志舉付梓人而寇擾以來已刻板片半歸劫灰心  
滋痛焉又以多年浮沈羈宦枵如之囊何以勝茲因循者  
久之比提調書局棗梨丹墨日所講求勉竭心力先以農  
候雜占四卷付刊此書於古今占驗之說凡有涉農候者  
無不采錄而東南蠶桑利甲天下亦附後焉問雨課晴率  
時興作其亦幽風流火授衣之意乎先以此稿本就正同  
年俞蔭甫學使輒謂有用之書寵之以序勸付手民以公

同好因勉副其意爲之非惟繼先志亦以重民事也遺編  
具在他日次第舉行此書其嚆矢矣

同治癸酉秋七月中澣梁恭辰敬識於知足知不足齋